

SOALAN NO: 46

PARLIMEN MALAYSIA
PEMBERITAHU PERTANYAAN DEWAN RAKYAT

PERTANYAAN : Lisan

DARIPADA : Dato' Sri Hasan Arifin [Rompin]

TARIKH : 28 November 2017

**SOALAN : Dato' Sri Hasan Arifin minta MENTERI
PERTANIAN DAN INDUSTRI ASAS TANI
menyatakan: -**

adakah Kerajaan bercadang untuk
menghapuskan sama sekali
pengeluaran lesen pukut tunda. Ini
disebabkan oleh keputusan hasil laut yang
semakin hari semakin membimbangkan.

97

JAWAPAN

Tuan Yang Dipertua,

Bagi memelihara kelestarian sumber perikanan negara, Kementerian Pertanian dan Industri Asas Tani melalui Jabatan Perikanan Malaysia telah menetapkan dasar penghapusan vesel pukat tunda zon B. Dasar ini bertujuan memastikan sumber perikanan negara tidak dieksploitasi secara berlebihan dan dapat terus dinikmati oleh generasi yang akan datang. Pelaksanaannya adalah secara berperingkat bermula pada 1 Januari 2016 sehingga 2020.

Dalam hal ini, Jabatan Perikanan Malaysia menggalakkan supaya pengusaha vesel pukat tunda zon B menukar peralatan menangkap ikan yang lebih mesra sumber atau berpindah ke kawasan operasi penangkapan ikan zon C ke atas yang lebih dalam dan luas. Pengeluaran lesen baharu bagi vesel zon A, B dan C juga telah dibekukan sejak tahun 1982 dalam usaha untuk melindungi sumber perikanan Negara.